



Qyzyljarnury

Gazet 2005 jylдың 1 қаңтарынан
shyға bastady
Elektronды poshta kizgar_n@mail.ru

Petropavl qalalyq qoғamdyq-saiasi gazeti
№38-39 (930-931) 23 qyrkúiek 2022 jyl

Мемлекет басшысы Қасым-Жомарт Тоқаевтың Қазақстан халқына Үндеуі

Қымбатты отандастар!
Биылғы жыл жан-жақты реформалар мен нақты өзгерістер жылына айналды.

Маусым айында өткен референдумның нәтижесінде билік тармақтары арасында тиімді тепе-теңдік орнады.

Мемлекет "күшті Президент – ықпалды Парламент – есеп беретін Үкімет" қағидасын берік ұстанады. Мәжіліс пен мәслихаттар жаңа аралас жүйе бойынша жасақталады. Депутаттардың бір бөлігі партиялық тізіммен, қалғаны бір мандатты округтен сайланады. Конституциялық сот құрылып, алдағы қаңтар айынан жұмыс істей бастайды. Адам құқықтары жөніндегі уәкіл институты конституциялық мәртебеге ие болды. Биліктің бірқатар өкілеттігі қайта бөлініп, кейбір қызметтер Президенттен Парламентке берілді. Енді өңірлердің әкімдері балаларлық жолмен таңдалады.

Конституцияға жер және оның қойнауы халыққа тиесілі деген бап енгізілді. Мен осы ережені жүзеге асыру үшін "Ұлттық қор – балаларға" деген мүлде жаңа бағдарлама ұсындым.

Конституциялық реформа – мен Мемлекет басшысы болып сайланғаннан бері жүзеге асырып жатқан ауқымды саяси жаңғырту бағдарламасының ажырамас бөлігі. Осы бағдарлама аясында бейбіт жиналыстарды өткізу үшін алдын ала ескерту



тәртібі енгізілді. Саяси партияларды тіркеу рәсімі жеңілдетіліп, тіркеудің қажетті шегі төмендетілді. Сайлау алдындағы партиялық тізімді жасақтау және депутат мандаттарын бөлу кезінде әйелдер мен жастар үшін 30 пайыздық квота енгізілді. Саяси партиялардың Мәжіліске өту шегі 7-ден 5 пайызға төмендеді. Сайлау бюллетендеріне "бәріне қарсымын" деген баған қосылды. Парламенттік оппозиция институты құрылды. Қылмыстық кодекстің 130-бабы қылмыстық деп

танылмайтын болды, 174-бабы ізгілендірілді. Өлім жазасы жойылды. Ауыл әкімдерін тікелей сайлау тәсілдері енгізілді. Сондай-ақ басқа да көптеген тың бастамалар жүзеге асырылды.

Жалпы соңғы үш жылда жасалған өзгерістер мен конституциялық реформа мемлекеттік-саяси құрылымның жаңа үлгісін қалыптастырды. Сондықтан мен Жолдауымда сайлау мерзімін жария түрде және ашық айттым. Осылайша біз басты мемлекеттік институттар – Пре-

зидент, Парламент, Үкімет және мәслихаттардың бәрін біртіндеп қайта құрамыз.

Осы бастама жарияланғаннан бері бір айға жуық уақыт өтті. Бұл – барлық мәселені байыппен талқылап, жағдайды бағамдауға жеткілікті мерзім.

Халық біздің саяси жүйені өзгерту туралы жоспарымыздың мән-маңызын жақсы түсініп отыр. Сондықтан мен бүгін бұған дейін айтылған сайлаудың мерзіміне және Конституцияның талаптарына сәйкес, Қазақстан Респуб-

ликасы Президентінің кезектен тыс сайлауын 2022 жылғы 20 қарашада өткізу туралы Жарлыққа қол қойдым.

Бұл науқан елдің бүкіл саяси жүйесін түбегейлі өзгертетін сайлау кезеңін бастап береді. Сол арқылы экономиканы тұрақты дамытуды, халықтың әл-ауқатын арттырып, тұрмыс сапасын жақсартуды көздейтін ұзақмерзімді міндеттерді жүзеге асыруға мүмкіндік туады.

Мен Жолдауымда бірқатар ауқымды әлеуметтік-экономикалық шаралар қолға алынатынын жарияладым. Біз оның бәрін жақын арада жүзеге асыруымыз керек. Көп ұзамай қоғамға сайлау алдындағы тұғырнамамы ұсынамын. Онда әлеуметтік-экономикалық дамуы көздейтін жаңа бастамалар айтылады.

Мен Мемлекет басшысы ретінде сайлау науқаны қатаң түрде заңға сәйкес өтетініне кепілдік беремін. Оны отандық және шетелдік байқаушылардың қатысуымен әділ өрі ашық өткізетін боламыз.

Барша азаматтарымызды жауапкершілігін сезініп, демократия, заң және тәртіп қағидаттарын берік ұстануға шақырамын. Еліміздің бірлігі мен тұтастығын көрсете білейік.

Халқымыздың тағдыры, Қазақстанның болашағы ерқайсысымыздың қолымызда.

Біз Әділетті Қазақстанды бірге құрамыз!

"Akorda.kz".

ҚАЗАҚСТАН РЕСПУБЛИКАСЫ ПРЕЗИДЕНТІНІҢ ЖАРЛЫҒЫ

Қазақстан Республикасы Президентінің кезектен тыс сайлауын тағайындау туралы

Қазақстан Республикасы Конституциясының 41-бабының 3-тармағына сәйкес **ҚАУЛЫ** ЕТЕМІН:

1. Қазақстан Республикасы Президентінің кезектен тыс сайлауын 2022 жылдың 20 қарашасына тағайындаймын.

2. Қазақстан Республикасының Орталық сайлау комиссиясы кезектен тыс президенттік сайлауды ұйымдастыру мен өткізуді қамтамасыз етсін.

3. Қазақстан Республикасының Үкіметі кезектен тыс президенттік сайлауды ұйымдас-

тырушылық, материалдық-техникалық және қаржылық қамтамасыз ету жөніндегі қажетті шараларды қабылдасын.

4. Астана, Алматы, Шымкент қалаларының және облыстардың әкімдері сайлау құқығы бар азаматтардың тізімін уақытында жа-

сауды және дұрыстығын қамтамасыз етсін. Орталық, аумақтық және учаскелік сайлау комиссияларына кезектен тыс президенттік сайлауды ұйымдастыру мен өткізу мәселелерін шешуде жан-жақты көмек көрсетсін.

5. Осы Жарлық алғашқы

ресми жарияланған күнінен бастап қолданысқа енгізіледі.

Қазақстан Республикасының Президенті
Қ.ТОҚАЕВ.
Астана, Аққорда,
2022 жылғы 21 қыркүйек
№1019.

ҚАУІПСІЗ, ОРНЫҚТЫ ЖАҒАНДЫҚ ҚОҒАМ ҚҰРУ ЖОЛЫНДА

Президент Қасым-Жомарт Тоқаевтың БҰҰ Бас Ассамблеясы 77-сессиясының жалпы дебатында сөйлеген сөзі

Құрметті Төраға!
Құрметті Бас хатшы!
Жоғары мәртебені!
Ең алдымен, Кереші мырзаны БҰҰ Бас Ассамблеясы 77-сессиясының төрағасы қызметіне сайлануымен құттықтаймын. Біз мұнда – БҰҰ штаб-пәтерінде алдырт үшін аса маңызды кезеңде бас қосып отырмыз. Өлем геосаяси қайшылықтар күшейіп келе жатқан жаңа кезеңге қадам басқан секілді.

Тәртіп пен жауапкершілікке негізделген өрі бұрын қалыптасқан халықаралық жүйенің орнын хаос пен болжауға келмейтін жағдай басып отыр. Төкемелік және тепе-теңдіктің жағандық жүйесі бейбітшілік пен тұрақтылықты сақтап қала алмады. Қауіпсіздік архитектурасы келмеске кетіп барады. Өлемдік алпауыттар арасындағы өзара сенімсіздік жылдам арта түсті. Өлем жаңа өс-

көрі қақтығыс ошақтарының құрбанына айналды. Біз өзі буынан көйін алғаш рет адролық қарудың қолданылу қаупімен бетпе-бет келдік.

Текетірістер жасанды кедергілер мен экономикалық оқшаулануға өкеледі.

Экономикалық және саяси санкциялар азық-түлік қауіпсіздігін қамтамасыз ету тізбегін жойып, миллиондаған адамдарға, әсіресе қоғамның осал топта-

рына қауіп төндіретін "жаңа нормаға" айналды.

Бұл қиыншылықтар есіп келе жатқан инфляцияға, жұмыс орындарын жоғалтуға және дамушы елдердің өлемдік экономикалық құлдырауынан үрейленуіне қатысты қазіргі сын-қатерлерді тек күшейте түседі.

Бұл күйзелістер, түптеп келгенде, климаттың өзгеруіне қарсы күресу және орнықты дамуы қолдау жөніндегі біз біріміз ке-

ліккен жедел шаралардың жүзеге асырылуына айтарлықтай кедергі келтіреді.

Осыдан 77 жыл бұрын БҰҰ-ның негізін қалаушы мемлекеттер Ұйымының Жарғысына халықаралық құқықтың қағидаттары мен нормаларын енгізді. Бұл ережелер осы уақыт аралығында біздің қызметімізді тиімді реттеп келді.

(Соңы 2-бетте).

Zaman jäne zañ

Жемқорлық тәуекелдерін азайту

2022 жылғы 1 шілдеде "Мемлекеттік сатып алу туралы" Қазақстан Республикасының Заңына түзетулер енгізілді. Аталмыш заңдағы өзгерістер әкімшілік кедергілерді, сыбайлас жемқорлық тәуекелдерін азайтуға, жеткізушілердің жауапкершілігін арттыруға және мемлекеттік сатып алу арқылы алатын тауарлардың, жұмыстар мен көрсетілетін қызметтердің сапасын арттыруға бағытталған. Мәселен, сыбайлас жемқорлық тәуекелдерін бағындыруға азайту шеңберінде рейтингтік-балдық жүйені пайдалана отырып, конкурс түрінде сатып алудың жаңа тәсілі енгізілді (құрылыс-монтаждау жұмыстарын және жобалау-сметалық құжаттаманы әзірлеу жөніндегі жұмыстарды сатып алу бойынша қолданылатын болады). Сатып алудың бұл тәсілі өнім берушіні таңдау процесіне конкурстық комиссияның қатысуын толық болдырмауды көздейді, мемлекеттік сатып алудың жеңімпазын веб-портал автоматты түрде айқындайтын болады.

Бұдан басқа Солтүстік Қазақстан облысы бойынша ішкі мемлекеттік аудит департаменті жүзеге асыратын камералдық бақылау жүргізу қағидаларына өзгерістер енгізілді. Енгізілген түзетулердің бюджет қаражатының оңтайлы жұмсалыуына қазіргі өзінде оң әсерін тигізіп жатқанын атап өту қажет. Департамент мамандары қосымша келісімдер жасасудың негізділігіне камерал-

дық бақылау барысында негізсіз шарт сомасын ұлғайтуға байланысты фактілерді анықтады, олардың уақытылы жолы кесілді. Мемлекеттік сатып алушы камералдық бақылау нәтижелері бойынша қабылданып жатқан шаралар хабарландыру жарияланған сәттен бастап мемлекеттік сатып алу туралы шарт жасалғанға дейін мемлекеттік сатып алу саласындағы заңнаманың бұзылуын болдырмауға мүмкіндік беретіні сөзсіз, бұл өз кезегінде бюджет ақшасын оңтайлы жұмсауға және оларды уақытылы игеруге әсер етеді.

Солтүстік Қазақстан облысы бойынша ішкі мемлекеттік аудит департаменті.

Әлеуметтік қолдау

Тұрғын үй көмегі

Тұрғын үй көмегі жергілікті бюджет қаражаты есебінен аз қамтылған отбасыларға (азаматтарға), сондай-ақ мемлекеттік тұрғын үй қорынан тұрғын үйді және жеке тұрғын үй қорынан жергілікті атқарушы орган жалдаған тұрғын үйді жалдаушыларға (қосымша жалдаушыларға):

- кондоминиум нысанын басқаруға және кондоминиум нысанының ортақ мүлкін күтіп-ұстауға, құрал-жабдықтың жұмсалатын шығындары ақы төлеуге;
- телекоммуникация желісіне қосылған телефон үшін абоненттік төлемнің ұлғаюы бөлігінде коммуналдық қызметтер мен байланыс қызметтерін тұтынуға ақы төлеуге;
- мемлекеттік тұрғын үй қорынан берілген тұрғын үйді және жеке тұрғын үй қорынан жергілікті атқарушы орган жалдаған тұрғын үйді пайдаланғаны үшін ақы төлеуге берілгені.

Аз қамтылған отбасының (азаматтың) жиынтық табысына шекті жол берілетін шығыстар

үлесі 7 (жеті) пайыздық мөлшерді құрайды.

Тұрғын үй көмегін тағайындау "Петропавл қаласы әкімдігінің жұмыспен қамту және әлеуметтік бағдарламалар бөлімі" коммуналдық мемлекеттік мекемесінің қатысуымен жүзеге асырылады.

Тұрғын үй көмегін тағайындау кезінде тұрғын үй алаңының нормасы:

- жалғыз тұратын азаматтар үшін 30 шаршы метр шегінде;
- екі адамнан тұратын отбасы үшін 48 шаршы метр шегінде;
- үш және одан да көп адамнан тұратын отбасы үшін әр адамға 18 шаршы метр шегінде.

Тұрғын үй көмегін тағайындау үшін аз қамтылған отбасы (азамат) (не нотариат куәландырыған сенімхат бойынша оның өкілі) "Азаматтарға арналған үкімет" мемлекеттік корпорациясы" қосымшасына немесе "Электрондық үкіметтің" веб-порталына жүгінеді.

Құжаттарды қарау және тұрғын үй көмегін көрсету туралы

шешім қабылдау мерзімі немесе Мемлекеттік корпорациядан немесе "Электрондық үкімет" веб-порталы арқылы құжаттардың толық жиынтығын қабылдаған күннен бастап бас тарту туралы дәлелді жауап беру мерзімі сегіз жұмыс күнін құрайды.

Тұрғын үй көмегі шығындар сметасына сәйкес кондоминиум нысанын басқаруға және кондоминиум нысанының ортақ мүлкін күтіп-ұстауға, құрал-жабдықтың арналған ай сайынғы жарналар туралы өнім берушілер ұсынған шоттар және аз қамтылған отбасыларға (азаматтарға) бюджет қаражаты есебінен коммуналдық қызметтерге ақы төлеу шоттары бойынша көрсетіледі.

Тұрғын үй көмегі аз қамтылған отбасыларға (азаматтарға) қала бюджетінде қолданылған қаражат шегінде тағайындалады.

"Петропавл қаласы әкімдігінің жұмыспен қамту және әлеуметтік бағдарламалар бөлімі" КММ.

Mamannyñ keñesi

КҮЗ БАСТАЛЫСЫМЕН ТҰМАУ ДА ЖИІЛЕЙДІ. ЖАЛПЫ ТҰМАУ – АДАМНЫҢ ЖАСЫ МЕН ЖЫНЫСЫН ТАЛҒАМАСТАН, БӘРІНЕ БІРДЕЙ ЖҰҒАТЫН ВИРУСТЫҚ ИНФЕКЦИЯ.

Ауру асқынатын кезең

Суық күндері мұрындағы әртүрлі микробтар мен вирустар асқынып, мұрынның бітелуіне, жүрек айнуына әкеледі. Олар ринит пен бронхитті алғашқы белгілері. Егер асқынып кетсе, ол жедел респираторлы вирустық инфекцияларға айналады. Бүгінде ЖРВИ – ең кең таралған аурудың бірі. Онымен барлығы дерлік ауырады дегуе болады. Тек жазда азырақ болса, күз-қыс мезгілдерінде ауру асқынады.

Негізі ЖРВИ және тұмауды туғызатын вирустар мұрын мен тамақтан бастап, екіге дейін барлық кеңістіктегі эпителийлі жасушаларды зақымдайды. Бұл вирустың түрі көп. Ең көп таралғаны – тұмау, бізге "беймәлім" түрлері – парагрипп, аденовирус, риновирус, реовирус және басқалары. Вирус сыртқы ортада тезірек өледі, алайда адамнан адамға ауа арқылы тез таралады. Аурудың алғашқы күндерінде-ақ адамға тез жұғады. Жетіліп не түшіргендегі түсірікпен сілекей арқылы сыртқы ортаға вирус бөлінеді. 5 күн ауырғаннан кейін сыртқы ортадағы вирустың саны азаяды. Сондықтан да вирустың инкубациялық кезеңі – 12-16 сағат.

ЖРВИ мен тұмаудың белгілері баршаға аян. Себебі бұл аурумен ауырмаған бірде-бір адам жоқ. Алғашқы белгілері –

ағза өлсірейді де, дене қызуының жоғарылауы, мұрынның бітелуі және жөтел сияқты белгілер пайда болады. Тұмау туралы сөз болғанда мынаған назар аударған дұрыс: ғалымдар оның А, В және С сияқты үш түрін бөліп қарастырады. Ең басты ерекшеліктері – олардың түрлену қабілетінде. Мысалы, С вирусы – қалғандарына қарағанда анағұрлым тұрақты. Бұл вируспен бір рет ауырған адамда оған қарсы иммунитет пайда болады. Сондықтан вирустың көптігіне қарамастан, көп жағдайда С вирусымен ересектер емес, балалар ауырады. В вирусы аз болса да түрленуімен өзгешеленеді. Негізінен, В вирусымен балалар ауырады. А вирусы – тұмаудың ең қатерлі түрі.

Егер ауырып қалсаңыз, жарық және желдетілген бөлмеде жатқан дұрыс. Бастысы, науқас суықтан қашуы керек. Керісінше, оны жылы орап, ыстық сумен (сүт, лимон қосылған тәтті ыстық шай), калориялы, тамақ әртүрлі, витаминдерге берген жөн. Сонда ғана тұмау вирусы жойылады. Негізгі қауіп – тұмаудан кейінгі асқынулар: өкпе (пневмония), құлақ (отит), ми қабығының қабынуы (менингит) және т.б.

Мадина СЕЙДАХМЕТОВА,
№3 қалалық емхана
мейірбикесі.

Habarlandyrular

Қоғамдық тыңдау

"Петропавл қаласы әкімдігінің құрылыс, сәулет және қала құрылысы бөлімі" КММ "Абаттандырусыз және сыртқы инженерлік желілерсіз №17 қабатты тұрғын үй құрылысы" жобасы бойынша қоғамдық талқылау түрінде қоғамдық тыңдаулар өткізілетін хабарлайды. Жобаны әзірлеуші "СК ВАРПРОЕКТ" ЖШС-ның байланыс телефоны: 8-705-183-12-12.

Жобалық құжаттама пакетімен <https://ecportal.kz/> Бірыңғай экологиялық порталда танысуға болады.

Барлық ескертулер немесе ұсыныстар Бірыңғай экологиялық порталда <https://ecportal.kz/> 03.10.2022 жылдан бастап 5 жұмыс күні ішінде қабылданады.

Қыркүйектің 24-і күні Петропавл қаласында аудандардың өнім өндірушілерінің қатысуымен алта сайынғы ауыл шаруашылығы жәрмеңкесі өткізіледі.

Салық төлеуді ұмытпаңыз

Петропавл қаласы әкімінің аппараты Петропавл қаласы бойынша мемлекеттік кірістер басқармасымен бірлесіп, 2021 жылға жеке тұлғалардың мүлік салығын төлеу мерзімі 2022 жылғы 1 қазанда аяқталатынын халыққа жеткізеді.

Петропавл қаласы бойынша 2021 жылға есептелген салық сомалары туралы мәліметтерді мынадай көздерден алуға болады:

- www.nalog.integro.kz сайтында (ЖСН бойынша);
- "e-Salyq Azamat" мобильдік қосымшасы.

Қыркүйектің 29-ы күні сағат 15:00-де бизнес-қоғамдастық алдында бақылау-қадағалау органдарының "Бірыңғай есеп беру күні" өтеді.

"Бірыңғай есеп күні"

Өтетін орны: Петропавл қаласы, Қазақстан Конституциясы көшесі, 58, (облыс әкімдігі), 1-ші қабат (үлкен зал).
Сурақтар бойынша 8 (7152)

Жәрмеңкеге келіңіздер!

Жәрмеңкеге мына аудандар қатысады:
"Алтын Арман" базарында: Ақжар, Ғабит Мүсірепов атындағы, Тимирязев аудандары;

"Қызылжар-Ақбастау" базарында: Есіл, Жамбыл, Уәлиханов аудандары;
"Дария" базарында: Мамлют ауданы.
Сауда-саттық сағат 8:30-

ғының сомасын төлей алады.

Бұл ретте, жергілікті салықтарды төлеу үшін деректемелерді толтырудың қажеті жоқ, өйткені бұл деректемелер автоматты түрде көрсетіледі, салықтарды аударғаны үшін комиссия алынбайды.

Сонымен қатар, мобильдік қосымшада салық берешегін тексеру мүмкіндігі бар.

Аталған қосымшаны "PlayMarket" және "AppStore" да жүктеуге болады.

Петропавл қаласы бойынша мемлекеттік кірістер басқармасы.

361362 телефонына хабарласуға болады.

Қалалық кәсіпкерлік, ауыл шаруашылығы және ветеринария бөлімі.

дан бастап 12:00-ге дейін өтеді.

Облыстық ауыл шаруашылығы және жер қатынастары басқармасы.

Nazarlaryñyzda bolsyn!

Қажетті құжаттар

Арнаулы әлеуметтік қызметтер өмірлік қиын жағдайда жүрген адамдарға (отбасына) Қазақстан Республикасы Денсаулық сақтау және әлеуметтік даму министрінің 2015 жылғы 26 наурыздағы №165 бұйрығына сәйкес көрсетіледі. Қызмет алушылар тұрғылықты жері бойынша жұмыспен қамту бөліміне өтініш беру арқылы жүргізіледі.

Әзірленген оңалтудың жеке бағдарламасына сәйкес арнайы әлеуметтік қызметтер барлық топтағы мүгедектерге ұсынылады. Ол үшін қажетті құжаттар тізбесі мыналар: өтініш, жеке басын куәландыратын құжат, медициналық карта, амбулаториялық картадан немесе ауру тарихынан үзінді көшірме.

"Петропавл қаласының жұмыспен қамту және әлеуметтік бағдарламалар бөлімі" КММ ардагерлер мен мүгедек адамдарға әлеуметтік қолдау шараларын ұсыну жөніндегі сектор.

Петропавл қаласының әкімі, қала әкімінің аппараты Валентина Григорьевна Бондарға жұбайы Владимир Антонович Бондардың қайтыс болуына байланысты қайғысына ортақтасып көңіл айтады.